

اِسْتِغْنَا

نومرو ۱۶

بجانبہ

۱ کانون ثانی ۱۳۲۴

توتون رژی شرکتہ دائر بر لایحه

(اون بشنچی نسخه دن مایعد)

رژینک مصارف عمومیہ اولہرق کو ستردیکی مبالغہ حادثہ تدقیقدن یکیریلنجه
تقدر شایان استکثار اولدینی بک قولای اکلایلوب خزینہ جلیله نك حصہ
تمتعندن ملیونلرجه ایرالر کتم ایلدیکی ادنا بر تحقیقات وتدقیقاتله میدانہ چقابیلہ -
جکندن و ۲۶ کانون اول سنہ ۳۲۲ تاریخ و ... نومرولو تذکرہ چاکرانہ مدہ
برنبذہ بحث ایلدیکم کبی ایلروده بوبادہ اعطای ایضاحانہ مهیا بولندیغمدن
شمذیلک بورادہ سرد تفصیلاتله تصدیعدن اجتناب ایلرم .

مشاہیر مالیونک اقوال مدققانہ سنہ نظراً تکالیف امیریہ نك ال خیرلیسی
سهل التحصیل اولقلہ برابر مصارف تحصیلہ سی بک آز اولانیدر . بناء علیہ
سرافرازان اقتصاديونك رأینہ کورہ مصارف تحصیلہ سی یوزده اون بشی
تجاوز ایدن تکالیف امیریہ دن دولتجه صرفنظر اولنقی قواعد اقتصادی دن
ایکن بویله رژی اداره حاضرہ سی مثللو یوزده قرق ایکی بقی مصارف
اختیاری ایلہ تحصیل اولنان بر رسمک دوات و مملکتجه تقدیر مضر
اولدینی کون کبی آشکاردر . کرچه مطبوعات داخلیه واجبیہ ده کوردلیکنہ نظراً
رژی اداره حاضرہ سی تمذید مدت امتیازیه سنہ و تعمیر اصحله تمذید تخریبانہ
چالشمقدہ و S. S حرفیله ارانہ ایتدیکی تخصیصات خفیہ کبی وسائطه کووہ نرک
امید موفقیت بسلمکده ایسده مضرات عدیده سی جمله جه معلوم اولان رژی
اداره حاضرہ سنک مدت امتیازیه سی تمذید ایلہ زراع و اہالینک ناقابل تعمیر
بر صورتہ ورطہ سفالتہ الفا ایدلسنہ موافقت بیورلیہ جنی معلوم و بدیہیدر .

محرم سنہ تاریخی نظامنامہ یه توفیق آدخان انحصار ادارہ سی قریباً وقوع بولہ جق
انقضای مدت امتیازیه ده دیون عمومیہ یه عودت ایدنجه بروجہ زیر عرض اولنہ جنی
وجهلہ خزینہ جلیله و دیون عمومیہ شمذیکندن بک چوق فضلہ واردات آلقلہ
برابر زراع رژی اداره حاضرہ سنک حسابسز مظالمندن تخلص ایلہ ثروت عمومیہ

تزايد وممالك عثمانیه ده موجود توتون مستهلکری توتونی فیات حاضره سنه
نسبه غایت اهون آله جقدر در . شمدینی رژی اداره سنک تأسسنده کی فسادک الک
برنجیدی برچوق بی لزوم مصارف و سرمایه یه فائض و مؤسس و تمتع حصه لری کی مبالغ
کثیره بی قیاده بیلک ایچون باندرول رسمی اولمق اوزره مستهلکندن
یعنی تبعه عثمانیه دن وسطی اوله رق بهر کیلو توتوندن یکرمی بش
غروش المقدمه بولمسیدر کرچه دول سارده بوندن فضله آینور سده ممالک
عثمانیه الیوم وسطی اوله رق المقدمه اولان مارالذکر یکرمی بش غروش یک فاحشدر .
(مابعدی وار) دیوان محاسبات ریسی : راسخ

اجمال داخلی

مبعوثلرک مضبطه جوابیه لری بیضافت پادشاهی - کرید میتینی
استانبول ، ۳۰ کانون اول ۱۳۲۴

مجلس مبعوثانده آجلدینی کون اوقونان نطق پادشاهی به جواباً قلمه النان
مضبطه مجلسک ۱۵ کانون اولده وقوع بولان اجتماعنده قرائت و قبول ایدیلوب
کوندرلدی .

ذات شاهانه نک بیوک برمراق ایله بکلامش ودقلمه مطالعه اتمش اوله جنی
بومضبطه جوابیه قانون اساسینک کیفیت وضعنه و اوتوز ایکی ییل مدتیجه فعالاً
تعطیلنه دأر اولان حقایقی اولدینی کی اظهاردن صاقنامه ق نطق افتتاحیدن
ونظره کسل وعطالت ، فکره رخاوت کترین اسلوب معتاد رسمی بی برطرفه
براهرق تکلفسز ، آجیق و مردانه سوبلمکی متخلص ومنحی بروضعت الهرق
معناسی لوش الفاظ دیزبسی تشکیل ایتمامک جهتیه ده اعیانک عریضه تشکریه سندن فرقلی در .
مضبطه کلخانه خطنک وانی تأییداً وتوسعیاً قانون اساسینک اعلاقی ایجاب
ایدن احوال تاریخیه مزه کو: کردردکدن صوکره ، نطق افتتاحیده ایلك مجلس
مبعوثانک طاغیدلسنه وقانون اساسینک تأخیر اجراسنه متدأر اولان حکایه بی
شرح وایضاح ایدیسور :

« ملنک او وقتکی قابلیت واستعدادی درکارو قانون اساسینک بو قابلیت واستعداده
موافق اوله رق ترتیب ایدلیکی نزد شاهانه لنده مسلم ، خط همايونلرنده مصرح ایکن
بعض رجال حکومتک احدات ایلدیکی مشکلات موهمه اوزرینه قوجه بر ملنک اقبال